



Inatsisartut suleriaasiat § 37 malillugu, immikkoortoq 1 naapertorlugu matumuuna Naalackersuisunut apeqqut imaattoq saqqummiuppara:

**Naalackersuisunut apeqqutit:**

1. Qeqertassuatsiaat eqqaaniit rubinit misileraatitut ukiorpaalussuarni annissukat maannakut sumiippat?
2. Taakku qanoq pilersaaruteqarfigineqarpat aamma qanoq oqimaassuseqarpat?
3. Kiap / kikkut akisussaaffigalugit oqartussaaffigaat?
4. Taakku rubinit qulaani eqqartorneqartut nunatsinnut utertinneqarnissaat aningaasaqarnikkullu iluaqutigineqarnissaat qanoq takorloorneqarpat?
5. Qeqertarsuatsiaat eqqaani "Aappaluttumi" rubinit piiarneqartussat annissuunneqarnissaat qanoq nakkutigineqartussaava?
6. Rubinit pitsaassusaat aamma akitigut nakkutilliineq qanoq ingerlanneqarniarpat?
7. Rubiinik piaanissami arlaannaanulluunniit attuumassuteqanngitsunik nalilersuisoqartassuaa?
8. Arlaannaanulluunniit attuumassuteqanngitsunik nakkutilliisoqassavaa?
9. Atsitassarsiornermut inatsit maannakut atuuttumiit ujaqqat pinnersaatissat immikkoortillugit allamik inatsisiliunneqarnissaat Naalackersuisut qanoq isumaqarfigaat?

(Inatsisartunut ilaasortaq, Anthon Frederiksen, Partii Naleraq)

**Tungavilersuut:**

Naluneqanngitsutut Qeqertarsuatsiaat eqqaani rubinit piffissami sivilisuumi nunatsinniik annissuunneqarsimapput. Maannakut Rubinisioneq aallartittussanngorpoq, taamaalillunilu misileraanermik taallugu annissuineq unitsinneqarsimassasoq naatsorsuutigaarput.

Taamaattumik rubinit misileraanerup nalaani nunatsinniit annissuunneqarsimasut pillugit apeqqutit Partii Naleqqamiit paasisaqarfigissallugit assut pingaartipparput.

Aatsitassat ujaqqallu pinnersaatissat immikkooruteqarput, taamaattumik aatsitassat ujaqqallu pinnersaatissat immikkut inatsiseqarnissaat pisariaqartoq Partii Naleqqamiit isumaqarpugut.

Ullut suliffiit qulit qaangiutinnginnerani akineqarnissara kissaatigaara.